



Baibuli y'Abato erabanjurira

Obu Ruhanga Yaakoraga Byona



Ekahandiikwa: Edward Hughes

Kikavunuurwa: Manuel John Kamugisha Muranga

Omuteezi w'Ebishushwani: Byron Unger; Lazarus

Kikahindurwamu: Bob Davies; Tammy S.

Omugane 1 ahari 60

www.M1914.org

Bible for Children, PO Box 3, Winnipeg, MB R3C 2G1 Canada


Okwikirizibwa: Oraikirizibwa kuhanduukurura, kukora kope nari kuteera
ekyapa omuri ogu mugane, kwonka toraikirizibwa kuguza.

Rukiga


Owaatuhangire n'oha? Baibuli - Ekigambo kya
Ruhanga - eratugambira oku abantu baatandikire
kubaho. Iranaira, Ruhanga akahanga omuntu
w'okubanza, yaamweta Adamu. Ruhanga
akamukora omu mucuucu.



Ruhanga ku yaamuhuhiremu omwisyo gw'amagara,
Adamu yaaba omuntu ohuriire. Yaayeshanga omu
musiri murungi ogwabaire gureetwa Edeni.




Atakahangire Adamu, Ruhanga akabanza yaahanga ensi nungi munonga, eijwiremu ebintu by'okutangaaza. Ruhanga yaahanga ekintu aha kindi: emishozi n'empita; ebirabyo birahuumura gye n'emiti miraingwa; ...




... enyonyi z'amooya garengyenyeta n'enjoki z'okusiiba zirajuujuuta; ebyenyanja rwakaraara ebireetwa "emigoye", eby'okusiiba bireekurura omu mayanja; ebinyangondookyera ebituuraga biraterera. Nangwa manya Ruhanga akahanga




Omu kutandika kwenyine, Ruhanga atakahangire ekintu kyona, haakyo ekyabaire kiriho, okwihaho Ruhanga wenka. Hakaba hatariho bantu, hatariho bintu, n'ahu yookuba emyanya. Hakaba hariho busha.



Hakaba hatariho mushana, hatariho mwirima. Hatariho oruguru nari eifwe. Hatariho nyomwebazo, n'ahu yookuba nyensakare. Ruhanga wenka niwe yaabaire ariho, ataine hu atandikiire. Mpaho Ruhanga nikwe akatandika kukora! Reero Ruhanga yaabanza yaahanga eiguru n'ensi.




Kwonka ensi ekaba etarimu buteeka bwona, erimu busha. Kandi hoona-hoona gukaba guri omwirima.



Ruhanga nikwe kugira ati: "Ka habeho omushana!"




Mpaho omushana gwabaho! Omushana Ruhanga yaagweta Nyomushana, omwirima yaagweta Nyekiro. Ogwo mwebazo n'ako kasheeshe, kyaba ekiro ky'okubanza.




9

Aha izooba rya kabiri, Ruhanga yaareeta amaizi ag'amayanja amahango n'ag'amakye, hamwe n'ag'engyezi, yaagata omu buteeka ahansi y'Eiguru. Aha kiro kya kashatu, Ruhanga yaagira ati, "Obutaka obwomire ka bureebeke!" Kyaba arikwe kyaba.



10

Kandi Ruhanga yaaragiira ngu habeho obunyaasi, ebirabyo, hamwe n'ebiti n'emiti eby'omu kishaka. Ebyo nabyo byabaho. Omwebazo ogwe n'ako kasheeshe, kyaba ekiro kya kashatu.




11

Reero Ruhanga yaahanga eizooba, n'okwezi, n'enyonyoozi nyingi ezi omuntu atakoobaasa kubara. Ogwo mwebazo n'ako kasheeshe, kyaba ekiro kya kana.




12

Reero Ruhanga yaakurasaho ebyenyanja hamwe n'ebindi bikooko ebiratuura omu mayanja. Ahari ekyo kiro kya kataano niho yaahangiire ebyenyanja ebirashushwa zaarurara, hamwe n'otugyegye twinganabusha.




13

Yaahanga zaamaaya eziine enguru ndaingwa, yaahanga n'otunyonyi tukye oturaswiswibiriza. Ruhanga akahanga buri muringo gw'ebyenyanja, yaabiijuza omu mayanja, na buri muringo gwona gw'enyonyi z'okuzaanira omu mwanya, ahaiguru y'obutaka n'amayanja. Ogwo mwebazo n'ako kasheeshe, kyaba ekiro kya kataano.



14


Bwanyima Ruhanga yaashuba yaagira ati,
 "Reka ensi ezaare ebhangirwe ebiine amagara ..."
 Mpaho haabaho buri muringo gw'enyamaishwa
 n'ogw'obukooko n'ogw'ebireekurura aha butaka.
 Haabaho enjoro eziratetemesa obutaka, haabaho
 na zaakatwara-mafuuni ezitakoohuumura
 kukora ogwazo. Enkobe na ga malyo gaazo zaabaho,
 zaagoonya na ya migyendere yaayo y'omwekururo
 nazo zaabaho.



15

Eminyongororwa y'okweniogoora aha butaka yaabaho,
 encwende n'emyepaako yaazo nazo zaabaho.
 Zaarurondooka z'entwiga, na zaakapa z'okuguma
 zirahijja, nazo zaabaho. Buri muringo gwona
 gw'ebikooko Ruhanga akaguhanga eryo izooba.

Ogwo mwebazo n'ako kasheeshe, kyaba ekiro kya
 mukaaga.



16

Hariho ekindi kintu - eky'omutaano - eki
 Ruhanga yaakozire ahari eryo izooba rya mukaaga.
 Byona ebyabaire byahangirwe, okaba orashushwa

ngu byeteekateekyeire
 okwija kw'Omuntu. Omu
 misiri hakaba harimu
 ebyokurya, harimu
 n'enyamaishwa
 z'okumuhwera.




17

Nikwe Ruhanga akagira ati, "Ka tukore
 omuntu omu muringo gwaitu, ashushwane naitwe,
 ategyeke byona ebiri omu nsi." RUHANGA NIKWE
 KUHANGA OMUNTU OMU
 KYEESHUSHWA KYE; OMU
 KYEESHUSHWA KYE
 YAABA ARIMWE
 YAAMUHANGA.



18

Ruhanga yaagira
 Adamu ati, "Ogu
 musiri oryemu
 kyona eki orenda
 kurya, kwonka
 otarirya aha kijuma
 kyona eky'omuti
 gw'okumanya
 oburungi n'obubi.
 Ku orikiryaho,
 mazima oryafwa."



19

Kandi MUKAMA yaagira ati, "Ti kirungi
 omushaija kuguma ari wenka. Ka mmukorere
 omuhwezi omushemereire."
 Ruhanga yaareeta enyonyi
 zoonna n'enyamaishwa,
 Adamu buri kimwe
 yaakyeeta eiziina.



20

Adamu okubaasa kukora ekyo, arateekwa kuba yaabaire aine obwengye bwingi munonga. Kwonka omu nyonyi n'omu nyamaishwa zoon, tiharabonekiremu ekyobaasize kuhwera Adamu omu buryo obushemereire.



21

Ruhanga nikwe kunyaamisa Adamu oturo twingi munonga, akamwihamu rimwe aha magufwa g'orubaju, akarikoramu Omukazi. Omukazi ou Ruhanga yaakozire yaaba omuhwezi ogwe weenyine ou Adamu yaabaire areetenga.



22

Ruhanga ebintu byona akabikorera omu biro mukaaga, ekiro kya mushanju yaakiha omugisha, kyaba ekiro ky'okuhuumuriraho. Omu Musiri Edeni, Adamu na Haawa bakaba bashemereirwe munonga ahabw'okworobera Ruhanga. Ruhanga akaba ari MUKAMA waabo, owaabaire arabaha eby'okubatunga kandi ari Munywani waabo.



23

Obu Ruhanga Yaakoraga Byona

Omugane kuruga omu Kigambo kya Ruhanga, Baibuli

gurashangwa omuri

Okutandika 1-2

"Ebigambo byawe, byashuuruurwa, birareeta omushana." Zaaburi 119:130

Ruhanga aramanya ngu tukozire ebintu bibi, ebi areeta ekibi. Ekibonerezo ky'ekibi n'okufwa.

Ruhanga araturunda munonga - nikyo yaayohereze Omwana we, Yesu, kufwera aha musharaba nk'ekibonerezo ky'ebibi byaitu. Kwonka Yesu akazooka, yaagaruka omu Iguru! Mbweni hati Ruhanga arabaasa kusaasira ebibi byaitu. Waaba orenda kuruga omu bibi byawe, gambira Ruhanga oti: Ai Ruhanga, ndaikiriza ngu Yesu akanfwera, kandi hati ariho, ahuriire. Ndakushaba ngu oije omu magara gangye, onsaasire ebibi byangye, ngire amagara masya, reero ngume naiwe ebiro byona. Nkwasa mbeho ahabwawe, nk'omwana waawe. Amiina. Yohaana 3:16

Shoma Baibuli kandi ogambe na Ruhanga buri izooba.